

# АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№12 (84) декабрь 2008-шин. ❁ Зуль-хІужжа 1429 ❁ Кказит буккайссар зуруй цал ❁ Багъа 15 къ

БАРЧА БАВУ

**Хъунасса  
Аллагънал  
ціанихлу!**

Дагъусттаннал бусурманнал аьлимтурал ціанияту, бусурманнал рувхІанийсса идаралул зузалтрал ціания ва ттула ціания барачатсса хъуннав тій ура цусса 1430 шин!

Цусса 1430-мур шин хъуннав зун тІайлабаціу бусса, хъиншиврул ва ххаришиврул шину. АллагъначІан гъан хъуну, КІанал ххира бувсса шинну. Омургу, бунагъругу личІаннав ларгсса шинаву, Аллагънал дулуннав ціакъсса Иман ва барачатшиву дуллалисса ххуйсса давурттаву.

«Рамазан зурул хъирив зума дугъан яла хъинмур барз мухІаррамри» — увкуну бур хІадисраву. МухІаррам зуруй ца къини дургъусса зумагу ккаллину дур зуруй зума дугъаврин.

Ва ялун дуркІсса цусса 1430-чинсса шин цинявппа бусурманнал оьрмулуну рахІмуціимилул шинну хъуннав.

**Зуяту дуаь дуллалисса  
Дагъусттаннал  
бусурманнал рувхІанийсса  
идаралул председателъ,  
муфтий  
АхІмад-хІажи АБДУЛАЕВ**

## МухІаррам барз

**Хъ**ун аву Аллагънан, жуй ціими бивхъусса. КІанал бувцуну найбуру жува ххирасса зурдардийн, ххирасса къинирдайн, хъун баншиврул Цала Ціаний буллалимур ва хъун хъуншиврул Цува — дулайма, ялтту учІайма, ціими бишайма. Ххирасса МухІаммад ❁ тій ивкІун ур: «Яла ххуймур зума, Рамазан барз лавгуну махъ — Аллагънал зуруву, зу ца дирзусса МухІаррам. Яла ххуймур дуаь, ккаккан дурми дакъасса, — хъхъуниву дувайсса дуаь».

МухІаррам зуруйн, Идавсил ❁ дирзуну дур — «Аллагънал барз» тІисса ца. Ванину бувчІлай бур, цуксса хъунмасса хІурмат буссарив ва зурул.

Мяйжаннугу, Аллагъу Тааьлалан цала ца дахІайссар так яла хъхъичІунмунищал, Цалла ляхъан дурсса.

МухІаррам зуруя дайдишайссар бусурмантурал цусса шин. Ва барз гъан бан аьркинссар инсантурал нахІуну, хІалимну. Ва зуруй къадагъа дирхъуссар дяьвирдан, питнардан, оьттухлу оь ласаврин ва м. ц.

МухІаррам зурул хъуншиврия ва даражлия чивчуну бур Къуръандалий ва Сунналий, мунияту барз гъан бан аьркинссар Аллагъу Тааьлалан икрам буллай, чакру буллай, дуаьртту дуклай. Шинал хъхъичІва-хъхъичІсса барз цукун гъан буврив, мукунна лагайссар шингу.

Имам Гъазалии чичІлай ур, МухІаррам барз гъан бан аьркиншиврий эбадат дуллай, ганил барачат бияншиврул вайми зурдардингу щаллусса шинай.

МухІаррам зуруй зума дургъуну хъинссар. Ва зуруй дургъусса зума ккалліссар 30 зума дургъушиврин. Яла ххирамай зумарду дугъ-



айссар ххамис, нюжмар ва алхІат къинирдай МухІаррам зурул.

МухІаррам зуруву дуссар хъинну ххирасса Аьшура къини. Ва зуруй бунагъирттая ххассал айссар, бувсса хъинмунил цимилвагу хъунмасса даража буссар.

Номерданий бумур:

**2** **ШАРИАЪТ**  
НасихІатуй аьвам

**4** **ДУАЪ**  
ИчІунай ухайни

**6** **ИСЛАМ ВА МЯЪРИПАТ**  
«Аллагънайн мукІрусса ягу Иблислуйн мютІийсса?»

**7** **БУККИЯРА ОЬРЧИАХЪ**  
Ххурттама

**7** **СУПИЙТУРАЛ ХАВАРДУ**  
Дулача халифнал къаву (расписка)

ШАЙХТУРАЛ ЛУТТИРАДУ

### «Барачатсса кІулшивурттал ххазина»

ЧИРКІАЙННАЛ САИД-АПАННИ

**З**аллунная ихтияр дакъа бучіиссарив аьркин дуллан щилкІуй аьрщи?

Укунсса суал, тІайланма лажиндарайн буллай бур, хъхъичІарасса буттахъал аьрщив цайминначІа ливчІми. Цусса заллухъру хъуну, щилкІуй аьрщи аьркин дуллалиминнан, ччай бакъар, му суал гъаз бувнувагу.

Ттухъва цІуххирча, тІайланма учинна, на цавагу ихтилатраціун бахІлай акъара.

ИДАВСТУРАЛ ТАРИХ

### МухІаммад Идавсил ❁ оьрмулиясса суаллу

— Агъали ИсламрачІан кІункІу буллай цуку-цукунсса къяйдарду ишла дуллай ивкІссар Идавс ❁?

— ЦІубутІуй Идавс ❁ исламрачІан къюлтІну кІункІу буллай ивкІссар агъали ва ми батІайсса бивкІссар Аркамал къатлуву. Цаппара хІаллава му аьчухну оьвтІун ивкІссар инсантурайн Исламрал диндалийн. Сафа зунтІуйнгу лавхъуну, хъхъичІва-хъхъичІ му мачча-гъанцириннайн оьвтІий ивкІссар ислам къамул дувара тІий. Мукунна хІажлил сезондалул чІумал инсантурацІал Аллагъ ца акъа цама акъашивриятусса ихтилатру буллай, ми Аллагъ ца ушиврийн мукІру банса хІарачатрай ивкІссар. Мунияту махъ айивхъуссар вяьзардал ва гъазаватрал кумаграціух ислам машгъругу, ціакъгу дуллай.

»3

»5

## ШАРИАТ

## Насихлатуль аьвам

АРУЙЛЧИН НАНИЙНИ

Аллагъумма инни аьсалука ийманан камилан ва якъийнан садикъан ва ризкъан васиаьн ва къалбан, хашиаьн, валисанан закиран ва хлалалан тлайбан ва тавбатан насухлан ва тавбатан къаблал мавти ва рахлатан эндал мавти ва магъфиратан ва рахлатан бяьдал мавти вал аьфва эндал хисаби вал фавза бил жаннати ва ннажата минанари би рахлматика я Аьзийзу я Гьафару рабби зидний элман ва алхикъний би салихийна учинссар. Амма гьарца вай дуаьрттал хьирив лагма увккун хлажарул асвадрачлан ийний Раббана атина фиддунья хласанатан ва филь ахирати хласанатан ва къина аьзабаннар ва адхинал жанната мяаьл абрари я Аьзийзу я Гьафару я раббал аьлабийна учинссар. Клай дуаьртту къаклуналгу ва дуаь ккалай ачаванссар лагма. Му куццуй дуаьртту дуклай арийлла тлавап данссар. Шамийла лагма укканнин чансса анаварну ачинссар. Ахьтта дан къабюхьарча бурттий данссар. Му тлавап дайний дунияллал калам къабаву хьинссар. Яла тлавап къуртал хьувкун мултазим тисса хлажарул асвадрачлан байтуллагьралгу дянивсса кланайн увкун цалла лякъагу Байтуллагьраин щун дурну, урчламур члавгу чарийн лаян дурну, клирагу кагу чарийх титли даркьуну, дуаь данссар, **Аллагъумма я раббал байти аьтикь, аьтикь рикъа бана варикъаба абаина уммагьатина ва ихванина в авладина минанари...** тий. Му дуаьлухьхьун жаваб дулайсса кланур. Яла макъамрал махь авцуну клира ракаат тлавап даврил суннатралгу данссар. Хьхьичмуний «къуля айгьгал кафирувна» бувккуну. Яла хлажарул асвадрачлан увкун мунигу лавну хьулувух увкун марва ссафа банссар. Му байсса куцгу мива авчуну най ссафалийн лахъанссар Байтуллагь ххал шайнийн иянин. Яла Байтуллагьрал чулухунай урувгун **Аллагъу акбар, Аллагъу акбар алхламдуллигь аьла ма гьадана:** ...тий цанма ччимургу чла куну, дуаь данссар. Яла клира авну ачинссар марвалийн **Раббигьфир вархлам ватажаваз аьмма тяьламу... Аллагъумма раббана атина фиддунья...** тий цала хлаллих ачайссар, яла дяних анаварну ачинссар, ялагу хлаллих ачинссар. Му куццуй аруйла ачайни хлаллих, анаварну ачай кланайх, анаварну.

Утти мунал Маккаливн ияврил тлавап къуртал хьуьссар. Яла эхлрамгу дархуну уна Маккалий ацанссар зул хлужатрал арулкусса къининин.

## Аьрафатрайн ачаврилгу, муни-яр махь баймунилгу адабру

Утти, зулхлужатлал арулкусса къини ахтта махь имамнал Каьва къатлуча авцуну хутба бувну, вяьза, хавар бусанссар хлажийтурахь. Гьунттий кюрххил миналийн Аьрафатрайн бачин хладур хьияра куну. Миннал банмургу бусанссар, къаклулмургу клул банссар. Яла мукун хладургу хьуну кюрххилва бачинссар миналийн лаббайку тий. Амма бахьтта бачаву суннатссар. Мунияр махь хлаж къуртал хьунин бюхьарча. Утти миналийн бивукун микку дайсса дуаьгу дурну, ливккун му хьхьуну гьантта биканссар. Гьунттий кюрххил чакгу бувну, бургищал Аьрафатрайн бачинссар дуаьрттугу дуллай. Аьрафатрайн лахъаннин. Мунийн лавхьукун миккунсса мизитрачлан гьанну чятирдугу бивщуну ликанссар. Яла чурхгу шовшуну, марц хьуну имамнал хутба банссар. Насихлат бувсун, къаклулмур клул бувну, дуаь чяруну дара. Мудуннал акбаргу увкуну, къаматгу увкуну жамааьтрай ахттайн чак ва ахтакьун чак банссар, цачун лавсун, кутла бувну. Яла микку бацанссар баргь гьаннин лаббайк тий, тавбарду дуллай, дуаьртту дуллай, Аллагь клиц лаглай. Яла дуаьрдахьхьун жаваб дулаймур члунгу, кланугу мури. Хлатта му къини микку авцуманан зума дугьавугума къахьинссар, чурх заэв хьуну, эбадатрая гьаличлан. Му Аьрафатрайн лахъаврил хлукматгу му Аллагь Тааьлал хларамрал хьхьунури хьхьича хьхьичи Адам идавс гьиндуллавату хлажливи увкуну сса члумал увхсса. Мунияту мунал авладрайгу му-

нийн лахъаву ялув бувссар. Хлатта мунийн лахъан къавхьуну личларча му цилла члумал хлаж къашайссар, баргь гьаннин микку ацангу ялувссар. Утти баргь лавгун махь мичча бачинссар музадлифлийн лаббайку тий хлаллих, анавар бакъа. Варантту, дучри хьхьан къабанссар. Бусурманчунан зарал къабанссар. Яла Муздалифлийн бивукун гьуслугу бувну, дуаьгу дурну маркчлан чак ва хьатлан чакгу цачун лавсун, бувну, му хьхьуну Муздалифалий гьантта биканссар. Яла хьхьу дачи хьусса члумал Миналийн бачин хладур хьананссар. Арулцалва члучагу лавсун бачавугу суннатссар, махьми чани дуккайху чакругу бувну бакъавцуну бачинссар. Яла Мяьшарул хларам тисса зунттуйн бивукун къиблаллийнмай бавцуну дуаьгу данссар. Яла баргь биянин миччагу бачинссар. Вадий Махлшар тисса ратлув бивукун анавар хьунссар му лахъаннин. Яла Миналийн биянссар баргь бивну махь. Яла ца ччал-



лул къадарданий баргь лахь хьувкун жамратул аькъабатраих арулва члуча бищунссар, къиблаллийн лажинну авцуну. **Аллагъу акбар аьла тлааьти Рахлмани ва рагьми шайтани** тий. Яла къурбангу бихханссар, бак чартлигу банссар, ссирссилтал суннатту банссар, хлатта шанка чларарагу бакрая къадуртун къабучлиссар. Члара дакъасса ухьурча бакрайх чила дуккан суннатссар. Яла эхлрамгу ттирихлуну, яннагу ларххун эхлрам дахлусса члумал къабайсса задругу бан бучинссар, щарссаничла утту ишавугу, ав бавугу дакъасса. Мийгу хлалал хьунтиссар Маккаливн лавгун тлавап дурну махь. Яла Маккаливн лавгун клира ракаат суннатралгу дурну хьхьичлава Маккалив увхсса члумал къабувну бухьурча Марва ссафагу бувну, махьунунай Миналийн клира аянссар, микку гьантта иклан. Му тлавап дангу мура Кьурбаннул къини лавгун даву хьинссар бюхьавай. Махьмий гьантрай дангу бучлиссар. Амма му тлавап даву рукнур, та дарчагу дукъарну хлаж щаллу къашайссар. Утти му хьхьуну миналий гьантта ивкун, хьиривмур къини ахттайн бивзукун гьуслу бувну шанмагу бищайсса кланттайх ца-ца кланайх ару-арулва члучагу бивщуну, къиблаллийн лажинну авцуну Аллагнаха санаь, дуаьгу дурну цала къушлийн клира авну, му хьхьуну микку гьантта икланссар. Хьиривмур къинигу мува члумал мукунма члучри бищунссар, мий клирагу хьхьуну микку гьантта къаивкун члучригу къабищурча, аьчла ялув шайссар. Цацава къахьурча къашавай уну цаманакь бищун банссар. Утти му кличинмур къини члучригу бивщуну махь ихтияр дуссар му хьхьунугу миккува гьантта иклан. Шамулку къинигу мукунма члучри бищун иклан, ччарча му къинива баргь гьаннин миналияту увкун Маккаливн гьан. Амма баргь гьаннин уккан къахьурча, му хьхьунугу микку гьантта ивкун, гьунттийгу гайва кунма члучри бищун ялувссар. Ва шанмагу гьантлий Маккаливн зияратрайгу лавгун махьунунай гьанттайн Миналийн учлавугу суннатссар. Ми къуртал хьувкун Маккаливн клира аянссар.

ХИДИС

Диндалул  
клулшивурттачлан  
кункуну тлутлаву -  
гьарцагу  
бусурманчунал ва  
бусурмандушнил  
буржри

## Оьмра баврил адабру

Хлаж бан ялувманай оьмрагу бан ялувссар, мугу байсса хлаж баннинни, ягу бувну махьри. Ягу мунищалва. Личийну буллай ухьурча, мугу хлаж бувну махь хьинссарча. Хлаж къуртал хьуну махь Жьяраният тисса, ягу Хлудайбийят тисса кланайн увкун, ягу Танэм тисса кланайн увкун хлажрал эхлрам дахлайний кунма гьуслугу бувну, мунил кунма оьмра бахин нийятгу дурну, **Аллагъумма инний уридул оьмрата, фаяссиргьа лий ва такъаббал гьа минний навайтул оьмрата ва аьхлрамту бигьа лиллягьи тааьла Аьзза ва Жалла** увкуну, эхлрам дахлунссар. Яла лаббайк тий Аьшатлуп мизитрачлан лавгун клира ракаат суннатралгу дурну, дуаьгу дурну Маккаливн клира аянссар лаббайк тий. Яла Масжидул хларамравун увххун лаббайк къабивтун аруйлла тлавап данссар, хлажлил тлавап дайсса кунма. Яла аруйла Марва Сафагу банссар. Яла бак чартлигу бувну къуртал хьунссар. Хлажлищал буллай ухьурча ганивунма буххайссар. Му члумал хлаж байний оьмралийнгу нийят дан аьркинссар. Амма мукун барчарив мунай аьчла ялувссар. Тта биххансар. Му къалякьирча ацра зума дугьанссар Шанна хлажлий уна, арулла шавайн увкуну. Оьмралул члунгу дакъассар. Та барчагу бучлиссар цуппалу буллай ухьурча. Цимийла барчагу чявусса бавугу хьинссар. Маккалий уссаксса тлавапчу чявуну даву, оьмрагу чявуну баву, замзам щингу члуруну хлачлаву хьинссар. Байтуллагьрал вив уххан ччай бухьурчагу, ачла ччанащал, нигьа увсун, хлурма трай ухханссар. Мивун увххукунгу мукьрагу чулухунай мурацурдайн урувгун, Аллагъу акбаргу увкуну, щукрулул суждалийи агьансар. Яла клирагу ттурцал дянив клира ракаат суннатралгу дурну дуаьгу дурну укканссар. Расуллагьналгу мукун байва тлар.

## Маккалия клира аяврил адабру

Утти Маккалия клира аян ччан бивкуну цалва азихь, ссайгьатгу хладур бувну уккан хладур хьусса члумал хьинну биклу чаврил тлавап данссар арийлла гара хьхьичара дурсса кунна. Яла макъамрал махь авцуну клира ракаатгу дурну замзам щингу хларчлун Мултазим тисса кланай авцуну дуаьгу дурну Аллагнай тавазуь, хушюьгу дурну клира авну ачинссар махьунунай байтуллагьрагу уруглай, бахь



лаганнин му тлавап дурну махь. Микку ацангу къабучлиссар. Ацларча кличин дангу аьркинссар. Хлаж къуртал хьуну махь Маккалий ацлавунияр Байтуллагьрая щалихханни клира аявугу хьинссар. Ялагу гьан шавкь дагьаншиврул. Утти мичча клира авну авчукун ва дуаьгу дуклай ачинссар.

**Иннал лазий фараза аьлайка лараддука ила мааьдин я муэдугу аьздний ва я Самийоь исмяний**



## ШАЙХТУРАЛ ЛУТТИРАДУ

«Барачатсса  
кӀулшивурттал ххазина»

ЧИРКІАЙННАЛ САИД-АПАННИ

3 «

Агарда, аьрщарал залуннашчал бьят буллай, щил бунугу учирча: «Ттун вай дуллуссар хӀукуматрал, яламур ттун кӀулхун ччай бакъар», мунал ци бантиссар ТанмихӀрал Къини, Аллагьнал хъхьичӀ авцӀукун, ва къянкъану жаваб тӀалав дуркун? Аьрщи ттун хӀукуматрал дуллунни учирчагу кӀанал, кӀа кӀанан хӀалалсса къахъанахъиссар, залунная ихтияр дакъа, мукун тӀутиссар шариаьтралгу. Ци бантиссар? Масала, цу унугу ца инсаннал

аьрщарай буну бухьурча къатта, цана кӀулну унува хӀакъсса заллугу, тӀайлану бикӀантиссарив ганал хӀиркӀ бугьлагъаву, гьарца чулуха ихтияр дусса аьрщарал заллушиву давриву? КъатӀайлассар. Гай къатраву ялапар хъанан ганан хӀарамссар.

Агарда, аьрщарал залуннал тӀалав барча, къатригу лекъан дурну, га цана къаритаву цала аьрщи, му тӀалав баву лахълай бакъарив зулмулуха? Ци бан аьркинссар?

КӀулсса иш бур, яла ххуймур хӀукму хъунссия, агарда, аьрщарал залуннал, Аллагь-

мюнпат буну. Ваниву ци буссар хӀарамсса?

Агарда, га аьрщи вакуфрал къадиркӀхьурча, амма хъхьичӀава мизитрал гания хайр (напакъа) ласайсса бивкӀхьурча, масала, га аьрщарал бутӀа аьркин буллалиманал цайнма ласурча щаллусса шинай чансса хӀаллайвагу мизитраву чани лахъан, мукунсса аьрщи аьркин дан бучӀиссар. Амма, мизитрал хъхьичӀ цайнма лавъсса бурж биттур бан аьркинссар. Агарда га аьрщарай буну бухьурча къатта, га баврий къадагъа дакъассар, мизит-

щяраваллил жяматрал вивсса иширах бурувгун.

Утти бурганну цамур суалданухгу, ца щяраваллил аьрщив аьркин дуллай бур цайми щяраваллалгу, цӀуххирча, тӀайлассарив мукун, ихтияр дакъа, аьркин дуллалаву, цамур ци жаваб дуллунссар — къатӀайлассар тӀисса дакъа. Му чӀумалгу ва суалданул махъ дуссар цайми жавабругу, личӀи-личӀисса багъантщачал дархӀлусса.

Гьунттий ци бикӀантиссарив ккаккан бантиссар гьунттийсса къинилул, хӀакъинури, чӀала-чӀалачӀиссаксса, къариртун хъинни гьарзад цила-цила кӀанттай. Мунивугу буссар маслихӀат.

Аллагъу Тааьланал кумаг баннав бусурмантуран маслихӀат лякъин укунсса суаллу ца чулухун бутансса.

Ххирасса диндалул уссурвал, бусурмантал, личӀинува — аьлимтал! Зун ххай мабикӀари, на ттуйнна ласлай усса, хъунасса аьлим куна, махъра-махъсса жаваб дулаву ва ишираву. Акъара.

Аьрщараясса гьалгъа — му жапасса масъалари. Шариаьтрайн багъсса хӀукму бангу хъинну захӀматссар аьлимтурангума. На шикку увкусса гьарзад, ттул пикрилий, яла ххуймур маслихӀатри вай иширттая хӀукму буллалинни, ттунна чӀалачӀиссаксса, ва яла къулаймур жаваб хъанай дур, цамур савав ттун къакӀуллу.

Сагъну ливчӀманан ккакканссар имам Магъди учӀаву. Ийса Идавс учӀаву. Му чӀумал, мьайжаннугу, щаллагу Дуниялий, кӀаникӀанттайхъ дикӀантиссар Шариаьт. Ттул пикрилий, кӀайнналгу, цамур маслихӀат къабанссар аьрщарал цӀанийсса бьастливу, инсантал куннащачал-ку бавкъуну бикӀаву бакъасса.

Ва суал, ва укунмасса цаймигу суаллу буллалисса инсантал чӀяву шаврин буну, ттун багъунни ва лу чичин.

Ххирасса уссурвал, ттуцца, чув-бунугу итххявххун бухьурча, цукунсса бунугу гьалатӀ, аьй мадари, тӀайла бацӀан бара. Агарда зунма лякъирча хӀакъмур, дакӀхъуншиву къариртун, къамул бара ва ганил хъирив бачияра, дакӀхъуншиву дуркӀссар Иблислуя.

Цуксса, хъунасса ухьурчагу аьлим, инсан аьйкълан икӀайссар, ци-бунугу хъама битайссар, гьалатӀ итххяхайссар.

Таржума  
Гъумаюн КАЛЛАЕВАЛ



ижаралин (аренда) ласурча жяматрал аьрщи, жяматрая ихтияр дакъа ва цанна аьркин дулларча, му тӀайласса даву хъанахъиссарив? Агарда, аьрщив аьрхӀалну дарчӀуну жяматрал инсантурайхгу, лахъавугу дарча га инсаннал бувсса захӀматрахлу ва харж дурмунихлу, мукунсса хӀукмулухун щища ахчин шайссар? Къашайссар. Агарда мий аьрщи аьрхӀалну дачӀирча жяматрал инсантурайх, кӀуну бувккуну, бюхъайссарив аварасса ххишаласса ихтилатру буккан? Къабюхъайссар.

Агарда, щил-бунугу буттахъал аьрщи духьурча цайминнал аьркин дуллай, къабучӀиссарив, укунна, аьрщив даххана дан?

Агарда, инсаннал духьурча нийят ялапар хъанан Шариаьтрал низамрайн ва къануннайн буну, бучӀиссарив залунная тӀалав буллан ххишаласса хӀакъ ягу тарс ацӀлан даххана давриву, цала буттахъал аьрщи оьккисса духьурча цахърамур аьрщараяр? КъабучӀиссар.

Агарда, хӀукуматрал дуллуну духьурча цу-унугу ца инсаннал аьрщи ва ганал га

нахлу, къаритарча аьрщи къатнил залуннал. Аьрщи дулун хъанай акъахьурча, тӀалав бан хъунссар гайннул багъа. Къатнил залуннал къабучӀиссар аьрщарахсса хӀакъ къабуллан, булун аьркинссар. Цукун бухьурчагу, гайннал ци хӀукму барчагу, мьайжаннугусса залунная ихтияр ласун аьркинссар, га аьрщи цанна аьркин дуллуннин. Гъаннайсса, ми, кӀиягу бучӀан аьркинссар ца маслихӀатрайн, му иширавугу миннан кумаг бан аьркинссар хӀурмат бусса, сий дусса, жяматрал хъуниминнал.

Цибан аьркинссар мизит заллусса, вакуфрал аьрщи аьркин дуллалиманан, ягу аьрщараясса мантиулалул бутӀа най бухьурча мизитран? Агарда, га аьрщи буттахъал дуллуну духьурча мизитран, му аьрщи зана ритан аьркинссар мизитран, цан чирча, га аьрщи аьркин дуллан къабучӀиссар.

Агарда, мизитрал имамналгу, щяраваллил жяматралгу хӀукму барча, аьрщи га инсаннал къаритан, ккаккан бувсса багъагу лавсуну, ягу га аьрщи гьурттуну аьркин дулларча, масала, мизитрангу

ран най духьурча, хъхьичӀара дурсса къутӀилин бувсса хӀакъ.

Агарда, мизитран най бакъахьурча аьрщараясса пайда, му аьрщи аьркин дуллалисса инсан бунагъравун агълагъиссар. Мизитрал аьрщарай къатта бунманан аьркинссар лякъин цамур кӀанттай багъа цасса аьрщи ва га дулун мизитран.

Агарда, ганаша му бан бюхълай бакъахьурча, мунал аьркинссар кӀул бан, щаллусса шинай, дянивну, ци хайр ласлай уссарив цува га аьрщарая ва га аьрщи аьркин дуллалиманал, гьарца шинах мизитран буллан аьркинссар му хӀакъ.

Ттул пикрилий, ва ишираву, Шариаьтрал тӀалав къабанссар къатри лекъан даву! Ялув чивчумур, ттун ххай бур, бикӀанссар яла сант думур. Аллагъ, гьарзад кӀулмари!

Агарда, га аьрщи щяраваллил жяматран аьркинну духьурча, ганий мизит бан. Му чӀумал ттуцца къахъунссар учин, гикку къатта бунманан бучӀиссар вания тихунмайгу гиву ялапар хъанай личӀан. Учунну, гьарца шикку увкунур байссар, цумур дунугу

ХИЯИС

Цайминнан  
хъинсса даву  
дансса ххуллу  
ккаккан бунманан  
буссар чире му  
даву  
дурманануксса

## ДУАЪ

ИчӀунай уххайни  
уча ва:

Аллагъумма инний ась-апука хайрал мавлижи ва хайрал махражи. Бисмиллагъи валажна ва бисмиллагъи харажна, ва аьлаллагъи раббана таваккална.

Архсса  
ссапарданий

## уккайни дукки ва:

Бисмиллагъи таваккалту аьлаллагъи лагъавла вала къувата илла биллагъи, Аллагъумма бикаасулу ва бика ахӀулу, ва бика асийру Аллагъумма балагъанубаллигъу хайран ва магъфиратан минка ва ризванан биядикал хайру иннака аьла куллу шайни къадирун. Аллагъумма анта ссагъибу фий ссафари вал халифату фил агъли. Аллагъумма гъавин аьлайна ва атвиланал арза Аллагъумма инний аоьзубика, мин ваьсан ссафари ва каьбатил мун къалиби. ХӀайвандалией буртти ивкӀукун уча ва:

АлхӀамдулиллагъи субхӀана ллазий саххаралана гъаза ва макунна лагъу мукъринийна ва инна ила раббина ламун къалибуна.



ИДАВСТУРАЛ ТАРИХ

144

# Мухаммад Идавсил оьрмулиясса суаллу



ХИДИС

Гуж бума — му муттаэнаяр ххум акъар, сси бизайхту, цала цува увгьумари

— Циванни хьунмурчин аваданми инсантал къарши буклай бивксса Идавсил оьвчаврийн?

— Аваданми Идавсил мискинми, аваданми личи къабаврия хьинну нигьа бувсэссар. Миннан бувчлай бивкссар власть цала клунттица дукан бюхъайшиву. Идавсил учайсса бивкссар, мискинмигу, аваданмигу, тархъанмигу, къазахьгу — циняв Аллагьал хьхичи архалссар куну. Мунияту давлатлувтал хларачатрай бивкссар Идавсил тлутимур щялу бан, мунай бухьтанну бивхьуну оькки-ккаккул уван.

— Циванни цубутлуй Идавс кьютлунцилх оьвтлий ивксса Исламрайн?

— Идавсил оьрмулува члалай бур хьхичисса шанна шинал лажиндарай му кьютлунцилх оьвтлий ивкшину инсантурайн Исламрайн ва хьинну вихшаласса инсантуран бакъа Идавсил исламрахсса ччаврия хавар къабивкшину. Ялувсса Аллагьу Таабаланал уруччинтиссия, гьай-гьай, Цала Идавс му аьчухну, ашкарану Исламрайн оьвтурчагу ва пивгу дувантиссил цичулигу Ислам. Амма Аллагьу Таабаланан ччан бивкссар цубутлуй кьютлуну пив дуллан Ислам. Агьалигу Идавсия эбрат ларсуну, нигьачлаву дуний — кьютлуну, аьчухну исламрайн оьвтулунсса сант дуний му сант ишла дурну кьуццу тлуншиврул. Яъни, хьинну пикри бувну, хьирив лавну, члануйн багьну кьуццу тлуншиврул.

— Цалчин Исламрайн щийн оьвчинсса изму буллуссар Аллагьнал?

— Аллагьная Идавсийн лирксса аяирттава исват хъанай бур хьхичива-хьхичи кулпатрайн, мачча-гъаннайн Исламрайн оьвтулунсса амру бивкшину.

— Циванни цалчин Ислам къамул дурминнаву чявуми маэшатрал, хлал-ахвалданул кюлами бивкссагу?

— Кьурьандалул тарихрава ва Идавсил оьрмулул ххуллува мялуну исват хъанай бур Идавсил таррап дургьуми бивкшину хьунмурчин



каши дакъасса, маэшатрал даража ялавайсса. Исламрайн къаршиймиров бивклун бур хьус-къинилул заллукьру, хансса давлатлувтал. Мунил сававгу укунсса дур: диндалул гьанумур мурад — циняв ца Аллагьнайн иман дьшин бувавур. Хьус-къинилул заллукьруннаннив мудангу ччай бивкссар цала хьуншивурттайн, давлатрайн иман дирхьуну. Мунияту агьалинай каялушиву дуллан ччисса, халкъ цайнма мютлийну ччисса давлатлувтуран тлаан бизлай къабивкссар ца Аллагнаха эбадат дуваву. Ня зузисса, пикри байсса инсаннан ччиссар цува так Аллагнал лагьну, занакьулугу хъанан ччиссар так Кланал тлаавшиннардацун авкьуну, къа щил-унугу лагьну-ча.

— Тар ва цукунни Идавс аьчухну оьвтлий айивхьусса инсантурайн исламрайн?

— Ххачпараснал календарданийн бувну 613 шинал Идавс айивхьуссар агьалинайн аьчухну исламрайн оьвтлий. Му гьуз учин увсар ливксса аятрал. Идавс Сафа зунттуин лавхьссар ва лахьну увкуссар: «Да,

Фихрул ва Айял арсрув!» Циняв кьурайштал мунал лагма лавгссар. Миннавух ивкссар мунал буттауссу Абу Лахабгу. Идавсил увкуссар: «Агар на зухьва учирча, ярагьуннил балгуса бурттигьалт зунттул тийх хладурну бур зуйн ххяххан куну, зу вих хьунтий бурув ттуйн?» Миннал жаваб дуллуну дур: «Вих хьунтий буру, ина тачлав щялмахь къабусайнутий».

Му члумал Идавсил увкуну бур: «На увкбра зун бусахь ялун дучлантлий душиву гужсса танмихлрал члун, зу Аллагь цар усса къаувкуссаксса, къахьунссар ттуцагу зун цичлав кумаг бан». Кьурайштурава цуя цаннал ссихл къадурккун дур, анжагь Абу Лахаблун увкуну бур: «Ина ухлавгун айлитивуй, мукун учиншиврул батлав жу шиккун?»

Му иширайн бувнур Аллагнал сура «Аль-Масад» ликкан бувсса.

— Цукунсса зараллу буллай бивкссар кьурайштал Идавсин ва цалчин ислам къамул дурминнан?

— Идавс аьчухну Исламрайн оьвтулун иклайхту, Аллагьтал чявуссар тлутими мунайн ссибувцулуну бахчилай бивкссар. Ми Идавсийх чартту бишлай, му нанисса ххуллийн кьутлай бюру бичлай бивкссар. Каьбалул чларав му чак буллалани мажуси диндалул инсаннал, Укба ибн Абумугайтлул мунайн хлайвандалул вихссака дирчуссар.

Идавсин чулий царду дизлай, бухьтанну бихьлай бивкссар. Мукума бахчилай бивкссар цалчин дин къамул дурминнахунгу.

— Циванни Аллагнал диндакьулт Идавсин зарал бан бивтсса?

— Бусурманнан клуну биклан аьркинссар цуку-цукунсса захматшивуртту духллан багьантиссарив. Ми хладурну биклан аьркинссар Ислам машгьур даврил ххуллий хьунадакьинтисса дайшишурдайн.

Гьамин мукун захмат-жапасса ппурттувури хлакьсса дин думи щялуминная ва щалмахьчитурая личи бан шайссагу.

— Цукунсса цалащаву ва личишиву дуссар Мухаммад Идавсил ва мунаяр хьхичими идавстурал?

— Циняв идавстал, миннавухва Мухаммад Идавсгу халкъуннайн оьвтлий бивкссар ца акъа цама Аллагь акъашиврийн мукру хьун. Ислам дин къамул дан. Цягу идавсил тлайлашиврин щак тлутлаву — му исламрая инсантал арх буцан бавур, ца идавсийн щак учаву — му циняв идавстурайн щак-щук тлутлаврин ккаллийссар. Циняв идавстурал цакуцуйсса имандишаву диркссар. Бучимур ва къадагьамур личи дурсса, имандишаврил низам-къарал дурсса ца шариаьтри микку члунардиха лавхьхьуну личисса. Гьарца идавсин клуну бивкссар Кьиямасса Кьинилучлан гьанну уккантима идавс Мухаммад Идавс ушиву, му идавстурал мугьру ушиву ва аманат бувссар куннал куннайн мунайн дак тлайлану биклан ва цивппа му укканнин личарча, мунак кумаг буллан.

Хьхичивами идавстал ливкссар ккаккан дурсса члумал, ккаккан дурсса шариаьтращал ва ца риршусса цумур-бунугу агьулданул. Мухаммад Идавсма щала инсаниятран ливкссар. Мунал хласул дурмур шариаьтрал дукьан дурссар хьхичира диркми шариаьтругу. Мухаммад Идавсилмур шариаьт цакьну диклантиссар Ахирзамана бучаннин.

— Тора (Таврат) луттирайсса, Мухаммад Идавсиясса цукунсса информация кьютл бивссар ягьудинал ва циван?

— Торалий жула Идавсияту чявусса информация буссар, амма ягьудинал му информация кьютл бивссар цанма цивппа хьун бизаврил ва дакру хьуншиврул. Ми бивкссар Идавс жугьутнава уккансса ххай, му аьрабнава уккайхту, ягьудинан му зат ашкара хьун битан ччан къабивкссар. Мухаммад Идавсияту чивчуну бивкшину члалай бур Мусахь увкумунива: «Ина куна уккантиссар Идавс, на мунал зумув бишинна Ттула гьалгьа. На тлутимур цинявнан баян буллантиссар му. Му Идавс ушиву инкар буллалимагу ивчантиссар.

Му гьалгьа тлунтиссар бучантимуния, агарда мукун къахьурча, му щялусса идавсри».

Цал жугьут агьулданул инсаннахь цувххуну бур Мухаммад Идавсия Торалий ци чивчуну бур увкунуча, мунал жаваб дуллуну дур: «Му иклантиссар мискинминнал чларахацлу».

(Гихунмайгу буссар)

«Диндалул гьанурду ва Мухаммад Идавсил оьрму суаллаву ва жавабиртаву» тлисса луттирава



## ИСЛАМ ВА МЯЪРИПАТ

П. ХИАМЗАТОВА

(Дайдихъу хъхъичми номердай)

## «Аллагънайн мукIрусса ягу Иблислуйн мютIийсса?»

## МахIрамтал

МахIрамтал — хьинну гъансса, маччасса чи-варкIри. Миннал дянив ташу бан къабучиссар, миннал ка щурчагу биссаву зия къашайссар.

Хъаннинсса махIрамтал хъанхъиссар буттайхчинсса ягу ниттихчинсса маччами.

1. Ппу, буттал ппу, буттал буттал ппу...
2. Цила уссу, буттайхчинсса уссу, ниттихчинсса уссу.
3. Арс, арснал, душнил авлад.
4. Уссил, ссил арсру. Гайннал авлад.

ДакIний битан аьркинссар, нитти-буттайхчинсса маччашиву дазу дакъа къуртал къашайссар. ОьрчIайхчинсса маччашиву къуртал шайссар, дагъайссар. Мукуна уссийх-ссийхчинсса маччашивугу. Масала, ниттиуссу ягу буттауссу махIрамталли, гайннал ппу ягу буттал ппу. Амма махIрам къахъанхъиссар буттауссил ягу ниттиуссил арс.

МахIрамтал хъанхъиссар ккуккулул накIлил маччамий.

1. НакIлил ниттил лас ва ганал ппу...
2. Ниттил накIлил уссу (ганан вила ниттил ккукку булуну бухурча ягу бутталшарнил ккукку булуну бухурча). НакIлил ниттил цила арс, накIлил ниттил накIлил арс, мукуна, накIлил арс, накIлил буттал увсса ва накIлил буттал цала арс.
3. НакIлил арс ва ганал авлад.
4. Буттал уссил, ниттиуссил накIлил арс ва ганал авлад.

5. НакIлил буттауссу, ниттиуссу ва миннал ппухъру. Ниттил накIлил гъан-маччашиву кIул дан захIматссар. НакIлил ниттил лас хъанай ур бутта, ганал ппу ккалли хъанай ур бутталпуну. НакIлил гъаншиву хъанай ца чул бувгъусса, лякълул оьрчIайхсса гъаншиврух бурувгун. НакIлил ниттил гъансса маччами хъанай бур накI дуллусса оьрчIал гъан-маччамийну. НакIлил маччашиву дурчIин захIматсса душиву кIулну, щарссанин къабучиссар щил бунугу оьрчIан ккукку булун ласная ягу уссия ихтияр дакъа.

НакIлийхчинсса маччашиву дайдишиншиврул дуручин аьркинссар укунсса низам: ккукку булун аьркинссар ххюйла бунугу, чан бакъа оьрчI буччин бувну; оьрчIан дикIан аьркинссар яла чIяруну кIира шин. Ва низам дуруччуну духурча, накI ттирхъума оьрчI ккаллиссар накIлил ниттил арсру, цила лякълува увсса арсная личий къаайсса.

Щар хъуну махъ хъусса маччамийгу хъанхъиссар махIрамтал.

1. Ласнал арс ва ганал авлад.
2. Ласнал ппу гъансса маччачуври ва хъанхъиссар махIрам.
3. Ниттил лас, ниттил ниттил лас махIрамталли.
4. Куяв — душнил лас, душнил оьрчIру, гайннал оьрчIру...

Яласса арантуннайн ка щаврин къадагъа дуссар, Имам Шафиез мазгъабрайн бувну, мукуна ка щурча адиминалгу щарссанил биссаву зия шайссар.

Укунсса къадагъа дунура, Дагъусттаннал шярваллаву, шагърурдай, арантуннахъхъун ссалам булуну хъаннил ка дугъаву аьдотравун дагъну дур. Агарда Имандалисса щарссанил ка къадулурча, ганий хъай бур-вин кару шюшинсса щин чан хъунхурав, тий. Щин диял хъунссар, амма му къадагъа дирхъусса ишри, къадагъа дирхъумунин мютIий акъаманал Аллагънал хъхъичI жаваб дулунссар. Шикку чивчусса маччаминашал, хъаннин бучиссар хIажлин гъан, Дунияллий ссапарданий гъан, ццивпалугу ца къатлуву бацIан, гайннашал маслихIат буван.

### Къадагъа дирхъусса гъантри МарцIшиву — диндалул дачIири

Хъаннин къадагъа дирхъумий гъантри — зуруй цал шайсса, хъами чурххал хъусса (менструация)

ягу оьрчI бувну махъ марцI букканнинсса гъатрири. Мий гъантрай хъаннин къабучиссар чак бан, зума дугъан, Каьбалул лагма бувккун тIаваф бан, мизитравун буххан, Къуръандалул луттирайн ка щун, сура ягу аятру дакIних буклан, адиминашал утту бишин. Хъунисса аьлимтал бур, мий гъантрай хъаннин дукрагума дуллан къабучиссар, тий.

Чурххал шаву лахъи лагайссар ца гъантлия ацIния ххюва гъантин дияннин, дянивну 5-7 гъантлий. ОьрчI бувну махъ щарсса оьттуя марцI шайссар



дахъа оь бувксса чIумуя байбивхъуну ххюцIалва гъантлул мутталай, дянивну — мукъцIалва гъантлий. Вай гъантри лавгуну махъгу марцI буклай бакъахурча, му азаруннин ккаллиссар (исттихIаз) марцI къашаву дакъарча. Масала, чурххал хъанай бивкIхурча ацIния ххюва гъантлий, амма марцI бувккуну бакъахурча, ацIния ряххулчинмур къини ялувссар щаллуну гъуслугу бувну (щалва чурх шювшуну) чаклий бацIан. Агарда аьзар лахъи лаглай духурча, зурдардий марцI къабуклай, хъаннин аьркинссар чак буллай байбишин. Му чIумал аьркинссар дакIний бивтун чурххал шайсса гъантри, мий гъантрайсса чак лях гъан бан. Масала, агарда зуруй арула гъантлий чурххал шайсса бивкIхурча, къашавай бунувагу арулва гъатлий щаллуну гъуслугу бувну, чак лях гъан бан аьркинссар. Яла буллан аьркинссар ва цаймигу исламрал тIалав дуллалимур дайссар. Му чIумалгу дуручин аьркинссар чурххал, янналул, чак буллалисса кIанттул марцIшиву, гъарца чаклий хъхъичI биссун аьркинссар тIагъаратту бувну. ТIагъарат бан аьркинссар гъарца аьзан увкуну махъ. Му къамул байссар.

Агарда хъамитайпа къашавай хъуну бухурча, му гъарча хъинссар хъамитайпа — хIакинначIан, гагу Иман дусса бухурча хъинссар. Ягу цамур диндалул хIакин-хъамитайпалучIан лавгун хъинссар. Агардарив азар хъин дайсса хIакин адимина акъа цамакъахурча, лагайссар адимина — хIакинначIан, му-

ХИЯИС

Чиви оьрчI ххари  
увманан хIалал  
битантIиссар  
циняв бувцири  
бунагъру,  
чIявусса  
аллагътурайн  
иман дишаву  
личIаннин

гу иман дусса бусурманчув ухурча хъинссар. Бусурманчув-хIакин акъахурча, бусурман акъаманачIан гъан бучиссар цищала цу-унугу увцуну (масала, лас, ссу, нину...). Амма, чIявусса ттизаманнул хъами лагай кIул акъасса хIакинначIан, начгу хъама риртун, арантуннахъ цивппа тIимур буллан бан (масаж), ках-шах буллали бан, бьвгълали бан.

Цуллу-сагъсса щарссанил щаллуну гъуслугу бувну, чак буллай байбишин аьркинссар. Экъи нанисса щиналу чурх шюшлай бухурча, къис бивкIун ялавайсса базурдугу марцIну шюшайссар, мунинин къабучину бивкIмургу дуллан бучиссар, амма къабувну ливчIсса чакру хъирив къалахъайссар.

Агарда чурххал шаву дайдирухуну духурча чаклил чIун дуркIун, аьзан тIутIини, марцI хъуну махъ га чак лахъан аьркинссар. МарцI бувккуну махъ, гъуслу гацIана байссар, хъамал ягу мачча-гъанний бувкIун бунугу. Хъху дучIаннин ялугълан, ягу цал даву къуртал дуллан аьркиншиву дакъассар. Хъамитайпа марцI буккарча аьзан учиннин чансса хъхъичI, му чIумалгу гъуслугу бувну чак бан аьркинссар. Мукуна хъирив лахъайссар ххуллин бувксса чIумал цачIун бувсса. Масала, марцI хъуну бухурча маркIачIан чаклил чIун дучIаннин чансса хъхъичI, хъирив лахъайссар ахттайн ва ахттакъун чакру.

Агарда марцI хурча кIюрххицIун чаклил чансса хъхъичI, хъирив лахъайссар маркIачIан ва хъатIан чакру. Укунсса кIанттурду хIисав къадулларча, ахиратравун гъан бюхъайссар лях лавгсса чакурдил буржругу лавсун.

Зума дугъул зуруй къадургъусса, лях ларгсса зу-марду хъирив лахъайссар. Мий хъирив лархъуну хъинссар рамазан барз къуртал хъуну махъ ягу ялун нанисса фаризасса зума дугъай барз бучIаннин. Агарда, марцI буккаву хъуну духурча рамазандадул хъхъуну, хъаннин аьркинссар нийяту дурну ми къини зума дугъан, кIюрх дучIаннин чурх шюшинсса чара хъуну бакъахурчагу. Так ца зума дугъай зуруй бучиссар зума дугъан щаллуну гъуслу бувну бакъанува.

Агарда, къадагъа дирхъусса гъантри хурча хъамитайпа хIажлий бунува, ганин бучиссар хIажлий гъарца низам дуручин, так ца Каьбалул лагма бувккун тIаваф бан къабучиссар. ХIаж къуртал хурча тIавафгу къабувнува, тIаваф личIачиссар буржирай. Ганин аьркинссар ялунчIин зана бивкIун цIуницIа хIаж бан. ТIаваф къабувссаксса ганин къабучиссар щар хъун, адиминачIа утту бишин, адиминашал хъарч-махсара бангума.

Къадагъалул гъантрай щарссанин бучиссар вирд, зикри, ссалават дуклан, дуаь дуллан, Исламрал луттирду буклан. Чаклил чIун дуркIсса чIумал, бучиссар тIагъаратту бувну арулцIалила ссалават дуккин. Къадагъалул гъантри Аллагу Тааьланал цIимилун буллуссар хъаннин. Цалчин гайннал чурх марцI буккайссар, чIярусса азарду чIарах лагайссар.

КIилчин, гайннал рувхIанийшивугу марцI шайссар. Аллагу Тааьланал махъ буллуссар жула ниттихъал ниттихъхъун, ХIавахъхъун, мий къадагъалул гъантрай бувсса бунагъру багъишла бан.

Хъуннасса къюву дурхIуну оьрчI буллай, га цила бувсса оьрчI кунма, хъами марцI хъанхъиссар бунагъирттая. Щарсса оьрчIах дирчIарча, ганил бивкIу шагъиднал бивкIулун ккаллиссар. Къадагъалул гъантри душнил хъукун, га балугъравун бивсса душри, хъун хъусса душри. Ганил биттур буллан аьркинссар Аллагу Тааьланал цийва бивхъусса бурж.

Гихунмайгу буссар  
Таржума Каллаева Гъумаюннул

БУККИЯРА ОЪРЧАХЪ

# Ххурттама

**Ч**ал-члалну шавай нанисса ккупласнан бакрайн агьну ур бурчул ранг лухисса къужа. Му къужа щилчлав цаланийн гъантта иклан къаувцуну ур, мунайн я щайхту оърчру ццахандарал бугъанссар тий. Пакь-ирсса къужагу чапарданихун агьну хъху рутан дакний ивкун ур.


Ккупласнан къужлуй цими хъуну, му шавай уххан увну ур, мунал гъелисса дуканмургу дуллуну, марцисса яннагу лаххан увну, утту ишин увну ур цанма ккаккан бувсса къатлуву.

Дяхъуниву члавахълттичлава тахлий шанайсса лухи къужа чант увкуну ур аьлагъжалул члуний. Зурул чаннай уманан ххал хъуну бур члавахълттих къатлувун буххан нанисса цуркинт. Ми ккупласгу ивкуну, мунал думур дацин хияллай бивкун бур.

Къужа виргъангу ялун руртун, каругу гъаз дурну миннал хъхьичлун увкун ур.

— Да, зу ци дуллай буру? — гъуя куну бур къужлул.

Хаар-хавар бакъа ялун увксса, кляласса виргъангу бакрайх



лавхсса лухи къужлуйн ящусса цуркинт дакру хъякуну багъавай ливчлуну бур:

— Шикку ххурттама дур! Ххурттама! — гъуя-гъараймий члавахълттих махъунмай ххявххун бур цуркинт. Цаннал бак гъавгъун бур, га-

манал — ччан.

Аьлагъжалул члуний бувксса инсантурал цуркинт бувгуну бур.

Хъинну увкуну бур жула Идавсил ﷺ: «Инсан цала чларавманан кумаг буллай уссаксса, Аллагъналгу мунал кумаг буллалиссар».

ХИДИС

Аллагъу  
Тааьланал  
аьрацарал  
давлат буллуссар  
цала дустурангу,  
душмантурангу.  
Мьярипатрив  
мунал так цанма  
ххираминнанни  
дуллусса

СУПИЙТУРАЛ ХАВАРДУ

## Дулача халифнал къаву (расписка)

Омейяднал хъунама халиф Оьмар бин Абдуль-Аьзиз канилу щаллусса хлукумат дунува, ивкун ур хъинну паракъатсса, пахру-ххара бакъасса оьрмулий яхъанай.

Ца хъхуну муначлан вазирнал къутгу куну увкуну бур.

— На гужну агъамсса иширай увкра, куну.

— Ттуца ина къамул уван къахъунссара, ттуца ца чирахъ бакъа бакъар, мугу ттул щалва кулпат бусса къатлуву бур.

— Амру бува, на ттигу ца чирахъ лавсун учланнаца, — куну бур вазирнал.

Оьмар бин Абдул-Аьзизлул чивчуну амру гъан бувну бур вазирнащал, чирахъ ласаврил къаву хъирив къини булунна куну. Амма хазначинал чирахъ къабуллуну бур.

— Халиф Оьмардул булача къавз, кюрххилнин цува сагъну личансса, — куну.

Муния махъ вазир лавгун шавайнгу, лавсун увкуну чирахъгу цала къуллугъ биттур бувну бур.

# Оърчлахсса ччаву

(Аллагънал Илчинал ﷺ оьрмулувасса мисаллу)



**А**ллагънал Илчинал ﷺ чаннасса ва хъинсса дак оьрчлахсса ччаврил видурцуну диркиссар. Ца къини му агъалинахъ вяъза буккиншиврул минбарданийн гъаз хъуссар, му лахзалуву мунал ххал хъуссар цала душнил арсру Хласан ва Хусайн багълай, бизлай. Ккалай байбивхъусса вяъзагу бяличлан бувну, му ялавай увчлуссар. Багъсса оьрчругу гъаз бувну му минбарданийн

гъаз хъуссар, агъалинахъгу увкуссар: «Пайлану увкуну бур Аллагънал: «Да, инсантал, зул хъус-хъиншиву ва зул оьрчру — мякъ бутлатисса затрур. Ттун хлисав хъуна клягу оьрч гъухъри бахчилай багълай бушиву, нагу вяъзагу бяличлан бувну ми гъаз бувссия».

Буслай бур цамур ишираягу. Ца къини Идавс ﷺ чак буллалисса хлатраву Хласан ва Хусайн никру рирщуну къус ивкисса Идавсил ﷺ

бянив лавхъун бур. Бак къус риртун чак буллаисса Идавсгу хъун-масса хлаллай суку хъуну акъар, цала бянив лавхъсса оьрчру цивппа ттиликраха бучланнин.

Агар цува чак буллай унува чивитлу аьтлун иярча, Идавс ﷺ анавар уккайсса ивкун ур чак ччяни бувну къуртал бан.

«Чак буллан хъхьичи ттун му хлаллих буван ччан биклай, амма чивитлул аьтлаврол чу баяйхту дирри уккара мунал ниттин захмат къахъуншиврул», — учайсса бивкун бур мунал.

Мухаммад Идавсил ﷺ дак хъиншиврия бусласисса цамургу мисал.

Ца къини аль-Акра бан хабис увххун ур Идавсичлан ﷺ му цала душнил оьрчайн ппайрду тисса ппурттуву. Мунал увкуну бур Идавсичъ : «Ина вила душнил оьрчайн ппайрду тий урав? Аллагънайн хъарашав, ттул ацла арс ур, цалагу цаннайнмагу ппай куну акъара!»

Мунихун Идавсил ﷺ жаваб дуллуну дур: «Агар Аллагънал вил дак рахиму-цлимиллия мурахас дурну духъурча, ттуца ци бан шайссар?»



## Бивклу ва иман дишаву

Ца аьлимнал кия мутааьллим ивкун ур. Ца къини миннал дянив бяст багъну бур. Ца ивкун ур инсаннан шанай хъинссар, шанай уний мунал бунагъралун агъансса тлул къадайссар, тий. Гамарив, инсаннан шанайнир Аллагъу Тааьланайн иман дирхъуну, дуаьрду дуллай хъинссар тий ивкун ур. Цала бястлил дя-зума дува учин ми лавгун бур цала учительначлан.

Шанай хъинссар тиманахъ учительнал увкуну бур: «Вин сагъунунир ивкуну хъинссар». Гаманахрив «вин ивкунунир сагъну хъинссар» увкуну бур. Вана укунсса маслихат бувну бур учительнал.

## СУАЛУ ВА ЖАВАБРУ



— Агар оърчи суннат бунува дуняллийн уккарча, мунан суннат бан аьркинссарив?  
— Мукунми оърчай суннат бансса аьркиншинна дакъассар.

— Кьибла чув буссарив къакулнува аьрхи-ххуллий бувсса чак хьирив лахъан бурж буссарив?

— Кьукъакулсса кьанттурдайсса инсаннал лагма-ялттуминнахъ цуьху-бусу бан аьркинссар, кьиблалул чул цумурди куну. Агана лагма-ялтту инсантал бакъахурча, инсаннал цала хларачат бан аьркинссар кьиблалул чул лякъин (бургьил, зурул, цурттал кумаграйну). Агана, дарщуну дуну дунял, учиннуча, мукун аьркинмур чул кьул бан къахъанай ухурча, вила дак! кьунку тьимур чулинай урувгун бувайссар чак. Так ми чакру хьирив лахъан аьркинссар. Мукунма хьирив лахъан аьркинссар кьиблалул чул ххай бьайкъуну чакру буллай бивкьиминналгу. Агана чак буллай айивхьусса инсаннан цукун-бунугу ашкара хурча цува къатлайлану чак буллай ушиву, мунал чак бяличан буну, аьркинмур чулинайгу урувгун цуница буллай айишин аьркинссар.

— Ттул ласнал нину ттул оърчайгу, душнийгу суннат баву тлалав буллай дур жуяту. Ттун ччай бакъар. На ци кьел дуван аьркинссар?

— Буну мьилчинмур кьини душний биклу, оърчай биклу суннат буну хьинссар. Оърчи-душ хьуни шайху суннат баву хъанхьиссар чара бакъа дан аьркинсса дауну, важибну яъни.

— Ттул дуснал къамул дурну дур Ислам, амма ванан «Алхиям» («Фатиха») буккин къакулли. Бучиссарив ванан чак къабуллан «Фатиха» лахъхьиннин?

— Ислам къамул дурну махъ, бусурманчув анаварну чак буллай айишин аьркинсса буржри. «Фатиха» къакулхурча, Кьурь-андадува цамур сура буккайссар, масала — «Субханааллагъ». Ва дуаьгу дуккин хъанай акъахурча, ацайссар «Фатиха» буккинуссаксса хлаллай. Чара бакъа аьркинссар «Фатиха» лахъхьин.

— Зия шайсарив иссаву чивисса оърчал ккут! шюширча?

— Чивисса оърчал диклу, щил диклу аьвратрайн канил витянхъ цаву гьассар иссаву зия шаврин цуница иссун аьркинссар.

— Шариатрал бивхьусса магъар лиян буну, ца рутаву бигъасса ишри тлар, тлайлассарив?

— Исламран къачиссар магъар лиян баву. Ца рутаву кулпат лиян къабитансса цайми чаранну бухлавгукун, байсса задри.

## ХХИРАССА БУККУЛТ!

Ва цанасса номер буккултрачан биян члал шаврихлу ялтту бучияра тий буру.  
Номер итабакьин члал хьуссар «Ассаламрал» редакция хлажлив лагаврийн буну.

Редакция

## Зул суаллахъхун жавабру дуллай бур жул аьлимтал

— Чиви оърчал аьвратрайн ниттил ка шурча чаклийн иссаву лияйссарив? Канихьсса чиви душнин ка лаярчагу лияйссарив?

— Аьвратрайн ка лаяврил чаклийн иссаву лиян дувайссар, оърчи чивисса ухурчангу. Арулла шин хьуннинсса чивисса душнин ка лаяврил за бакъассар, къалийссар.

— Бучиссарив, гьалмахчувнаща кьива гьантлий ишла бан лавсусса машина уссихъхун булун?

— Шариатрайн буну, цаманал мюнпат ласун дуллусса зад шамилчинманахъхун дулун къабучиссар, залуннахъ цуница къацуьххуссаксса. Амма лавсуманал мюнпатран, цаманал канихъхун дулун бучиссар. Масала, цаннал бучунни машина гьалмахчувнаща хъув гьан. Хъув нанини, ганахъ цала кланай рулланнихъ цаман шьитан ихтияр дуссар. Цаманан мюнпатран цаманнахъхун булунни къабучисса цуница залуннахъ цуькъвухуну. Шариатрайн хьул къабивхьуну дуллалисса иширттаву барачат къабиклайссар. Хлакьуну жунма члалай бур, члавсусса инсантал захиматтосса иширавун багълай бушиву. Шища дунугу цидунугу ларсун, залуннал махъа изму бакъамур дуллай бур. Зува хлосав дувара, хьусса авариярдаву 70-80 % машинарттал рулланнихъ, заллу акъасса, цаман инсан иклай, ягу залуннахъ изму бакъа шьивкьисса иклай, ягу изму буллусса члумуй машина махъунмай зана къабувсса, ягу ца кланайн гьан булагу куну, кьиккунгу лавгун яла цамургу кланайн най ивкьисса иклай. Шариат жура ляхъан къадурссар. Шариат Аллагънаыри. Шариатрал къанунну бурувчуманан оьрмулуву тлайлабацу буссар.

— Ттун биклай, хьамитайпалун хлатталлив гьан къабучиссар тий, тлайлассарив?

— Хьами хлатталлив лагаву бюхъавай къахьинссар, амма хларам бакъассар шариатрал тикунсса янналуву бухурча. Гьаттайгу араутнавахъ хлала буххан, лахъну члурду буллай аьтлун къабучиссар. Хьаннин хьунисса шьитурал, аьлимтурал ва маччаминнал гьаттайн лагаву дурус буссар.

— Къалиян учаву — шариатрай хларам дурссарив ягу хлалаллассарив?

— Тапрус учаву къадагъассар, тлутиманачла биялсса хлуччарду буссар, цанчирча муния-зарал буссар динналунгу, му дуручлачиманангу. Кьурьанналуву тий бур: Зунма, зулва чурххан зулму баву, зарал баву хларамри, — тий. Мабулларди зунма зарал, малитларду зулва зува члун дияннин. Дукралия махъунай хурча, инсан ивчайссар, пьапрус къаритгун ивкьума лякъин захиматри. Къалиян учаврил инсан Аллагънаяту махъунай айссар. Мукунма цахава лавхъхьуминнащали дус шайсса. Цаягу идавстураву, шьитураву, аьлимтураву къаивкьиссар къалиян учайсса, таммаку, махлуркьла ишла байсса, ссунт! бичайсса. пьапрус учаву хларамри.

## РУЗНАМА

## ЯНВАРЬ

ДНИ	утренний	восход	обеденный	послеобед.	вечерний	ночной
1	5.31	7.16	12.00	14.08	16.28	18.02
2	5.31	7.16	12.00	14.09	16.29	18.03
4	5.31	7.16	12.00	14.11	16.32	18.04
6	5.31	7.16	12.00	14.13	16.33	18.06
8	5.31	7.16	12.00	14.14	16.34	18.08
10	5.31	7.16	12.00	14.16	16.36	18.09
12	5.31	7.16	12.00	14.18	16.38	18.11
14	5.31	7.16	12.00	14.20	16.41	18.13
16	5.31	7.14	12.00	14.21	16.43	18.14
18	5.31	7.13	12.00	14.24	16.46	18.17
20	5.30	7.12	12.00	14.26	16.49	18.19
22	5.28	7.09	12.00	14.28	16.51	18.20
24	5.27	7.08	12.00	14.30	16.54	18.22
26	5.26	7.06	12.00	14.32	16.56	18.23
28	5.25	7.05	12.00	14.34	16.57	18.26
30	5.24	7.03	12.00	14.36	17.01	18.27

Учредитель  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

Редакционный совет  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ

Редактор  
Самрат ГОРЧХАНОВА

Канонический редактор  
Сиражуддин КУРБАНОВ

Корреспондент  
Гумаюн КАЛЛАЕВА

Корректор  
Патимат АХМАДХАНОВА

Менеджер  
Мухаммад ХИРИЯСУЛАЕВ

Компьютерная группа  
Асият ХАНОВА  
Ахмад МАГОМЕДОВ  
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного

наследия по ЮФО (г. Ростов-на-Дону)  
Свидетельство о регистрации  
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.  
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Сдано в печать 29 декабря 2008 г.

Тираж 1800 экз.

Адрес редакции

367015, РД, г. Махачкала,

пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам:

по Республике Дагестан — 8-988-699-28-24

по г. Махачкале — (8722) 914-222.

E-mail: info@assalam.ru; www.assalam.ru